



Sarajevo, 30.05.2023. godine

ZA:

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Vladi Kantona Sarajevo**;

Za **Prijedlog za izmjene i dopune Zakona o komunalnim taksama**

OBRAZLOŽENJE

Uzimajući u obzir određene probleme i poteškoće do kojih je došlo u toku primjene Zakona o komunalnim taksama ("Službene novine Kantona Sarajevo", broj 8/22), a naročito njegovog člana 5., upućuje se prijedlog ovlaštenom predlagaču, Vladi Kantona Sarajevo, da za jednu od narednih redovnih sjednica Skupštine Kantona Sarajevo, utvrdi **PRIJEDLOG ZAKONA O IZMJENI ZAKONA O KOMUNALNIM TAKSAMA** i isti predloži na razmatranje na način koji slijedi:

U članu 5. Zakona o kumanalnim taksama Kantona Sarajevo ("Službene novine Kantona Sarajevo", broj 8/22), u članu 5. mijenja se stav (2) i sada glasi:

"(2) Izuzetno od stava (1) ovog člana takse koje se naplate u općinama koje čine Grad Sarajevo dijele se između Grada Sarajevo i općine u omjeru 20% Gradu Sarajevu, a 80% općini u sastavu Grada Sarajeva."

U istom članu Zakona stav (3) se briše, a stav (5) postaje stav (4).

U obrazloženju navodim sljedeće stavove Gradske uprave Grada Sarajeva:

Stupanjem na snagu Zakona o komunalnim taksama („Službene novine Kantona Sarajevo“, broj 8/22), Općinska vijeća općina Kantona Sarajevo bila su dužna u roku od 30 dana od dana stupanja na snagu ovog zakona donijeti odluku kojom se utvrđuju kriteriji i vrsta takse za obveznike koji su registrovani i/ili posluju na području općine, a sve u skladu sa članom 6. citiranog Zakona.

Donošenje predmetnih odluka porazumjeva poštivanje i postupanje shodno odredbama Zakona i to kako u pogledu roka za donošenje provedbenih akata, tako i u pogledu dosljedne primjene Zakona kao normativne cjeline, a što se odnosi i na primjenu i postupanje shodno odredbi člana 5. navedenog propisa.

Naime, općine koje čine Grad Sarajevo uglavnom su u prethodnom periodu donijele Odluke o visini komunalnih taksi, bez da se prije donošenja Odluka utvrdio način raspodjele prihoda po osnovu takse, a kako je to član 5. stav (2) i stav (3) Zakona izričito propisao.

Na ovu temu, a po pozivu gradonačelnice Grada Sarajeva, dana 14.04.2022. godine održan je sastanak sa predstavnicima gradskih općina, na kojem je razgovarano o zaključivanju sporazuma kojim bi se regulisalo pitanje raspodjele prihoda od taksi, ali do zaključivanja Sporazuma nije došlo.

U vezi sa ovom problematikom reagovalo je i Gradsko vijeće Grada Sarajeva koje je na inicijativu Kolegija Gradskog vijeća na svojoj 15. sjednici održanoj 27.04.2022. godine donijelo zaključak kojim upućuje Gradonačelnicu da intezivno nastavi započete aktivnosti s ciljem usaglašavanja i potpisivanja Sporazuma u skladu sa članom 5. Zakona, te joj daje punu podršku da poduzme sve što je potrebno, u okviru nadležnosti Grada Sarajeva, da gradske općine izvrše izmjene već donesenih odluka o komunalnim taksama suprotno Zakonu, a ako je potrebno i podnošenjem zahtjeva Ustavnom sudu FBiH za ocjenu ustavnosti i zakonitosti ovih odluka, uz prethodno upoznavanje gradskih općina s ovom namjerom. Nadalje, Gradonačelnica Grada Sarajeva je svojim dopisom broj: 01/13-12-3719/22 od 29.04.2022. godine od nadležnog Ministarstva finansija Kantona Sarajevo tražila vršenje nadzora nad primejnom ovog zakona i sa sadržajem istog upoznala Vladu Kantona Sarajevo, Skupštinu Kantona Sarajevo i Ministarstvo pravde i uprave Kantona Sarajevo.

Dana 15.06.2022. godine Ministarstvu finansija Kantona Sarajevo dostavljena je Urgencija na naprijed citirani akt, broj: 01/13-12-3719/22 od 15.06.2022. godine.

Također, ponovno je reagovalo i Gradsko vijeće Grada Sarajeva na način da je na 17. sjednici Gradskog vijeća održanoj 29.06.2022. godine na kojoj je razmatrana Informacija u vezi sa primjenom Zakona o komunalnim taksama čiji je predlagач gradonačelnica Grada Sarajeva, donijelo zaključak broj: 01-GV-02-1002-3.1.1-1/22 od 29.06. 2022. godine, kojim je uputilo zahtjev Vladi Kantona Sarajevo za izmjenu i dopunu člana 5. Zakona o komunalnim taksama, na način da se procentualno utvrdi

iznos koji pripada Gradu Sarajevu od općina koje čine Grad Sarajevo na ime prihoda od takse.

Cijeneći naprijed, a naročito činjenicu da do danas niti na jedan od pobrojanih akata Grada Sarajeva (gradonačelnice Grada Sarajeva i Gradskog vijeća Grada Sarajeva) nije bilo reakcije, dostavlja se ovaj akt sa prijedlogom da se u što skorije vrijeme donese Zakon o izmjenama Zakona o komunalnim taksama na način kako je predloženo.

Posebno želimo napomenuti da je način raspodjele određenih prihoda na isti način kako je predloženo propisan i drugim zakonima, kao što je slučaj sa Zakonom o porezu na promet nekretnina i porezu na nasljeđe i poklone („Službene novine Kantona Sarajevo“, broj 28/18).

Molim vas da odgovor na inicijativu dostavite i u elektronskoj formi na službeni mail irfan.cengic@skupstina.ks.gov.ba

S poštovanjem,

Irfa Čengić
Zastupnik u Skupštini Kantona Sarajevo

